

Unßern undertenigen dinst —. Wirdigen liben herren und rette —. Alzo denne euwer hochwirdikeyt von unßerem smedehantwercke — wissin welde, wovon daz bergwerck alzo sere swachte und dernederlege, daz suldin denne uwer amechtluthe baz wissin denne wir, dye de alle wochin unser gnedigen herren gelt uffheben und nemen. Dach
5 secze wir eyns dorbye, wenne unsere gnedigen herren dye stad behilden noch elder ußsaczunge irer eldern, daz nicht umbe dy stad sessen smede, schuster, snyder, melczer, birbruwer, salezmesser, eysenmenger, dovon dy hantwercke und dy gancze gemeynde in der stat vo[r]terbin mussin und eyns teyls bereyt vortorben sin —.

Worde auch bestellt herttigklichin mit redelichin amechtluthen, daz dye derkentten
10 und dye hanttwereker mit en, daz en ir gelt abegeerbet wurde, so gewunen dy hanttwergker libe und dye gancze gemeynde zew buwen, so machten unsser gnedigen herren bergwerg und ercz derbauwen und auch redeliche beuwe in gancz felt und tyffe zcu sincken uff redelichen hoffelichin gengen, dovon unßere gnedigen herren machten getrost werdin. Aber daz man in den firsten und strossen buwen wil, dorzcu hat hanttwerg
15 nach gemeynde keynen trost nicht, domitte muß unsser gnedigen herren bergwergk abe- buwe und wuste werdin und nyemandes hat keyne libe dorczw.

Ouch lasse wir unß beduncken, wy daz etzliche von den knappin sin, wenne en got ercz beschert, so hauwen sye nicht me denne dy schlechte wochenkâste und trösten dye gewergken alzo lange, bis numme do ist. Domitte bauwen sye dy armen hanttwergker und gemeynde, daz sye nicht wissin, welchs ende sye vor sullen keren.
20 wergker und gemeynde, daz sye nicht wissin, welchs ende sye vor sullen keren.

Ouch wenne arme luthe ein wenig ercz derbauwen, so synt dye erczkauffer do und drucken is den armen leuthen abe kawme umbe halp gelt.

Ouch ist is sache, daz dye armen luthe ir ercz nicht hengebin wollin, wy dy erczkawfer wollen, und faren selbir mitte zcw den hôtten, do sin ir eyns teyls gewergken,
25 dy sich der sache gar wenig vorstehen in den hotten, so macht man en dye hottenkaste under czeyten alzo swer, daz sye mit großim schadin dovon lossen müssen und komen sin umbe gelt, daz en we thut.

Ouch ist eine sache, wenne got armen luthen ein gelucke gibt, daz sy nu ein wenig silber gemachen und brengen daz in daz wechsel, so sint se do und lossin is do bey
30 nicht, se seczen is anderwytt uff und bornen daz alzo hertte, daz den armen gewergken aber doraus nicht vil wirt.

Ouch sin wir underricht von unssern eldisten eyns teyls, daz vor joren kein amechtman in der stad nicht hat torren weder melczen, bruwen, kawfslagin nach keynerleye hanttyrunge begynnen, dovon dye hanttwergker nach gemeynde gedrang machte
35 gehat habin. Wenne sy musten nicht anders me beginnen, wenne sulcher gescheffte musten sy wartten, dorumbe sy unsser gnedigen herren gelt umbe nomen.

Ouch sint wir underricht, daz vor joren unsser herren amechtluthe genge und spette ußgericht habin, daz wir uns duncken lassen, daz das ouch itzunt nicht gesche.

Ouch hore wir von den knappin, daz en dy steuer voste sere geswecht sye auf
40 deme berge, daz unß dunckt, daz wir hanttwergker und gemeynde unsser gnedigen herren bergwerck bey sulcher steuer keynen treffelichin bûwe nicht vordringen mögen.